

沈乃文 主編

明別集叢刊 第三輯

第九十九冊

黃山書社



国家出版基金项目  
NATIONAL PUBLICATION FOUNDATION

『十二五』國家重點圖書出版規劃項目  
2011—2020年國家古籍整理出版規劃重點項目

沈乃文 主編

# 明別集叢刊 第三輯

第九十九冊

黃山書社



(明) 劉元卿 著

# 劉聘君全集十二卷

清南溪義社刻本



劉徵君全集序

往予按部西里入復禮書院為劉瀘蒲先生講堂西在僻壤俗不古處賴先生崛起倡道山中一時絃誦同於鄒魯慨自明末以來稍稍有不然者如月之有盈必虧有虧必盈此無往不復之理也余解組後以

序一

北上來安成先生之後賢與劉之子姓出而相見述先生文集數種吾黨彙編成帖題曰劉徵君全集彙已付梓特願公弁其首余作而喜曰此盛舉也西其有復古之機乎但千鈞之鼎豈阨夫所能舉鸞鳳之音非蛙鳴所敢附多士復請曰吾祖之學

受之楚天臺夫子吾黨又辱公門牆吾黨念今之師沂流而念祖之師公豈不念今之子弟沂流而念昔之執經者乎天方授是公其何辭余乃盥誦先生之文章拜手而颺言曰此先生護學之書治世之譜不僅傳文章觀之猶性理本心聖門頓悟之

序二

最而猶曰夫子之文章可得而聞言性與道不可得而聞是雖性道文章而二之也今余讀先生之書頗能窺先生之學當其處也雖山居草屨未嘗退而有還山續筆與言理：無一非至道存焉姑勿論其學術文章諸先生之出處進退皆合乎

仕止久速之軌尼父廣其道以教萬世先生屈其道以教西里嗟乎何造物之隘先生也然西里猶不能守其教何也此運數厄之也昔尼父典籍亦罹焚坑至漢始有伏生之傳壁間之藏盡出以示後人茲合刻先生之文亦伏生壁藏之會先生之道

序三

將大明於天下豈徒以文章炫世哉顧多士念祖聿修不徒以文章為具觀昔魏墓獻祖笏李陵有祖風何益於身何先於祖必如子思之述祖光昭家學使西里仁壽義正達之四海咸仰先生三關四證之傳斯足以盡先生之學若先生之奏疏簡牘

序記題跋仙才妙韻堪與李青蓮蘇髯公並垂千古但想起蘇李而問猶必曰我理失而文不足徵也謹序

皆

康熙六十一年壬寅歲秋八月下浣楚華容後學劉學愉拜撰

序四

山居草序

以余觀於今有耿先生劉徵君也一以  
鳴一以雌應蓋運有所會若將俾之為員  
為輔相成以馳大道云大江以西自文成  
授學來吾邑尤稱彬、乃至隱為間其業  
寂靜格情者外雖念守者內實無患也有

山居草序一

則鑒、譚雖一以為心實靈虛物有之  
須離物以存之也者一以為心貫動靜即  
靜證於動動失其居須兼持於寂感也者  
一以為遺事者離兩存者支須研幾於勝  
負屈信之始也者夫研幾其近者也猶隱  
然若有物焉其間雖一貫自命其實凌心

與事而二之二之矣豈復有能即事盡道  
者彼且帖括自愛彌近彌遠先後唱喝相  
驅咎獲吾懼夫俵、質、白且而長夜已  
徵君夷然不屑也曰六經語孟無若所云  
豈其子與氏之言四端猶不足徵上下貫  
精粗而顧思以易之吾一宅而寓於不容

山居草序二

已内外有無百斯置焉况心量無涯萬物  
皆備故兼三範而下兼上律然後乃滿其  
量不則索之一腔安得謂存是則徵君之  
大者矣前者楚黃耿先生常以三關之說  
授徵君徵君愈益自信時辛卯復偕余稱  
黃耿先生所余猶識先生之別徵君也蓋

穆然咨嗟三致意焉明以先王之道屬微  
君守之豈其中天揭日而猶警然土苴一  
切以

之間使還相為證以信於天下來世則天  
之未喪斯文乎顧在書城猶若於斯旨示  
蓋也焉者於是陳太學私於濂曰子嘗語  
山居草序三

微君於余如是矣余未嘗人盡所謂母乃譽  
款之不得於心孰與爾讀其書之可據而  
釋也吾今請其文於宋以流焉濂曰噫固  
也端木氏德則辱乎曰夫子之書惟與天  
道不可得聞夫國語即言即道而惜洙泗  
之間之無聞也今微君之文行矣觀者豈

猶曰夫子之文章可得而聞耶若是則余  
亦不敢知第不可虛陳君之雅敬次其著  
作卷編為四以復於陳君而弁其端如此  
萬歷癸巳孟夏陳會山人周一濂拜撰

山居草序四

山居草後序

原夫混沌既鑿元教裂而百家  
方術益分微言絕於六執人各  
其緒一各其傳遂使守窻者失  
天庭承沫者迷源窟此古人所

序

為不勝一筭之異意而興慨於  
曉曉者也是以日月之經不千  
里不足燭六合江河之流不四  
海不足至百穀夫老氏講訣多  
誦擊悅是繡苟以譁衆取寵蒙

無猜焉若乃稱堯舜述孔氏者  
猶且察於單詞信其隅說或崇  
奇而卑坦或取顯而置微有則  
信習疑性是性猶假於人設也  
有則尊見抑心是心可使有二

序

本也堅瓠拒入繫匏不食若斯  
之倫有同聚訟於是張臆而譁  
者昉乘鐻而奮其觚舌因斯以  
言其故可知矣我瀘蒲劉先生  
啟獨識於上死稟正印於先覺

匪姚似不服直輾轉以透其關  
匪鄒魯不依務馳騁而要其宿  
演繹之暇發為文章爰自詮情  
以逮析理或敷衽論心或捫管  
紀聞稱引殊端宗歸共貫統之

序

三

廓波濤義暢厥皇大曙執中  
之竅不可眩以奇衷踐集成之  
途不可畫以偏致又何至儼儼  
然設一持以蔽觀耽故臼而塞  
竇哉粵昔五臣混混於虞謨四

科斷之於魯語近者姚江揭知  
體新會明自然皆升乃聖之堂  
跡殆庶之軌具有篇籍覺我來  
裔詎至斯時人設反理之評士  
吐詭道之論紫色蠅聲所以姍

序

四

笑素王惑亂黔首者紛紜滋蔓  
蓋不勝隱憾焉其在哲人烏能  
已矣里中陳太學周山人咸託  
性遠夷屏心塵雜其於先生固  
已自同資敬穆若芝蘭甫乃採

魚金於麗水探良璧於崑麓收  
其全瑜登其絕精得若干卷科  
名為四鳴呼韶鈞奏而獲上之  
調息正朔定而為邦之式倒讀  
是編者誠知覺寤庶幾舍輕之

序

五

士望涯而反味道之儒盈量而  
歸二君之志將由乎此豈直以  
媒彫章銜縵采已哉如其意在  
買櫝心匪得魚甚且疏汙壤以  
充闡服蕭艾而盈腰則申椒之

芳聲不減幽蘭之綴賞無期也  
文將在茲請竢來哲

禾川門人周之望渭卿拜撰

序

六

題還山續草序

嗟夫日月易逝此學難明不敏三月渡江  
躡蹻擔簦而至吉水又自吉水躡蹻擔簦  
八月渡瀘而問衡陽過安成稅駕南溪南  
溪在深山窮谷之中過鍾一劉徵君調父  
先生哉因訪先生留之信宿見其顚醉如

注序一

聆其論務如家範井如外使令肅如某不  
勝感嘆信斯道斯文泰嶽必在於茲乎亡  
何先生出還山續草示予予讀之卒業誠  
不翅詩如雁隨雲共遠天與水平分之句  
足追唐人門戶其序記志銘傳註奏疏之  
非關治統則關道統情含鏡花水

月理析蠶絲牛毛三旦暮不釋手客有訖  
余曰徵君所著都則都矣然初著山居草  
又著還山續草得毋狃於山而尚志乎余  
曰非客所知徵君本深山大澤之龍蛇也  
初以孝廉公車則連舉以射策忤江陵則  
退後以累徵書劾則連不尋以不得行其

注序二

道則還山續草也至於野何道何莫龍  
信蟻履蟬鳴道者如井道則出道屈則  
還道又用則又出道又屈則又還先生不  
嫌其數也也竊謂先生著還山也謂還山  
草也宜且吉人士之志者與吾鄉夫子  
中分魯教訊者讀其書未見其本傳自

謂過之之意今登其堂觀其德讀其書甫  
信先生真已樹赤幟登杏壇磔牛耳以為  
盟主不佞雖年來南北長征亦偃伏旗鼓  
之下總余見先生尸居龍光淵嘿雷聲非  
見先生之緒餘也雖然此緒餘亦足以垂  
不刊在讀者得之大美元味染鼎可識如

汪序三

讀者果以書而知其人之高徑忘其書可  
也果以人而知其學之聖徑忘其人又可  
也嗟乎嗟乎先生之學海愚安敢以蠡測  
之但序余所以遊而還先生所以還而服  
先生故臨歧援筆畧叙大意耳先生視之  
得毋掀髯大噓江東菰蘆中亦何有此阿

蒙能窺吾雄楚大國一斑哉江東阿蒙即  
距躍三百矣序成政戊申八月七日余有  
南嶽之遊時馬已鳴矣行李載道僕情甚  
邑邑不忍別先生即仗劍倚大樹下慷慨  
悲嘆而歌之歌曰瀟湘秋水沅沅芙蓉  
嶺兮雁南青雄劍無台吳門望長纓濯兮

汪序四

楚上吟臨流涕泣兮  
唯懷其素心

新都教下晚生汪宗訊拜撰

還山續草序

昔在癸巳之歲不肖從師遊也時有倡異學漢沔間譚鋒甚銳其說幾盈天下耿先生以為憂馳書千里及之且曰吾所為變色而爭乃人所以異於禽獸者界爾師為此懼每有著作輒掩其放淫之思不肖與

還山續草序一

故友周思極更互檢錄梓而行於世篇章臚列言隨事殊而簡斥溫陵以別竺乾於泗上則其大致凜然春秋外戎之義焉亡何耿先生歿其人上千吏議其說亦稍熄矣乃師則又有慨於今日之學術也往者士多依倚形隅好冥存寂守爰尋緒系

從來久遠夫皆古大儒也要以準諸鄒魯奚啻霄淵師亦惟是聖儒之分反覆繹討崇輦洛而抑齊晉倘亦義固春秋之大法乎其在於今抑又大異高居深詠耽不測無何之鄉往々空憶則理蔓實蹈則事闕元境邈絕虛見橫紛究且肆無忌憚借

還山續草序二

理窟以為藏垢之藪此其弊蓋難言之抑猶是溫陵之毒流餘波所濺及也師亦憂之諸所為撰述閑道之言什希而九於是同門朱熙仲趙今可甘以光江宏受劉爾惠咸以為癸巳而來十有六年於此其間隱而仕々而復隱閭々於朝侃々於里偃

懇切、於友朋富哉言乎哀而梓之是在  
吾黨小子矣之望受讀卒業竊見師於諸  
書自六籍魯論外獨惟孟氏七篇是耽是  
玩若以百家為不足參也者今夫等言仁  
禮矣近或增以攝持則何如直証諸愛敬  
之為簡也等言知能矣近或採之渾淪則  
還山續草序三

何如直証諸親長之為顯也以平且好惡  
必心之皆良以從行疾徐必聖之可學無  
區字無蹊徑斯所由閱百世而後滋於孟  
氏重有味與不肖則以孟氏推本聖統首  
揭幾希中叙帝王而以尼父之作春秋承  
之固謂春秋不作則邪暴公行人所為異

於禽獸之界奚辨焉嗚呼可謂切且著矣  
今師後先所集各有歸趣始曰山居草菴  
列曰還山續草為卷四為目十言豈一  
要於內外尊抑之際蓋其嚴已深切著  
夫不亦既見諸行事矣乎若曰將託空文  
自見云爾非師志也抑非二三子志也

還山續草序四

萬曆戊申夏四月門人永新周之望拜

跋

桓譚氏必子雲之書之足行於後也自書必之也而猶不能不惜其親見子雲也嗚呼末乎其言之矣何必祿位言貌動人乎哉我劉徵君求仁之學不倚名位不待功能就之和以溫也冬日之日也聆之辨而

陳跋一

理也盈量而歸也則莫不就之不忍去聆之懼其言之易以竟於是願得徵君一言半句於紳帶洵為徵君假四方之所請謁一切寄意於篇札固已犁然滿笥矣其奈有見不見也余因謀諸周山人得次而梓之使不止為闌闌間物其故則思極氏言

之詳矣雖然讀其書則懇々惻々於赫蹠者無非言其所以也固可以得徵君而不必親見徵君也親見徵君則言論心思宛然其書也亦無憾乎親見徵君也而何論書之必行於後哉萬曆癸巳冬十月書刻成因識之若此

陳跋二

二酉山樵陳國相謹跋